




黃氏祖先像傳集

黃清源 主編

中華閩南文化研究會 印行



黃氏祖先像傳集

主 編：黃清源

發 行 人：中華閩南文化研究會

地 址：台北縣淡水鎮中山北路一段 255 號 15 樓之 6

電 話：(02)2621-8795 傳真：(02)2626-1721

印 刷 所：成陽印刷股份有限公司

地 址：台北縣土城市永豐路 195 巷 9 號

電 話：(02)2265-1491

出版日期：2006年4月1日

印 數：1000

頁 數：432

版權所有，歡迎黃氏家族宗廟翻印贈送，不得營利。

非 賣 品

黃氏家譜淵源

一受姓

黃姓

按黃本國名。其先出於黃帝。帝元妃西陵氏。生子二十五人。得姓有四人。別為十二姓。黃帝為姬姓。六世子孫陸終封於黃。娶鬼方氏女。生六子。長曰樊為已姓。禹時為伯封昆吾。樊之後。梁澤事周武王。有勳勞。成王復封其子緡於黃。子孫以國為姓。

一受氏

黃氏

按黃帝國於有熊號。有熊氏。又曰軒轅氏。子昌意生顓頊國於高陽。號高陽氏。顓頊生稱。稱生卷章。卷章生吳回。祠祝融之官號。祝融氏子陸終號陸終氏。封於黃。號黃氏。陸終子樊。封於昆吾。號昆吾氏。樊之後梁澤之子緡。復封于黃。仍為黃

氏。傳曰。保姓受氏以守宗祊。史記注曰。姓以統其祖考之所出。百世不相別也。氏以別其子孫之所分。數世而一變也。古今命氏之道多矣。或以號。以諡。以爵。以國。以官。以字。以名。以次。以居。以事。以志。以族。三代以前有姓有氏。秦漢以後有姓無氏。而氏皆姓矣。我黃氏則以國為氏者也。

一受族

江夏族

先是緡之後。歇居楚。封春申君。東明歇之族。事漢為長沙刺史。滅秦功成退居江夏。安陸此江夏族之所自始也。漢尚書令香。乃其嫡派。而我黃氏實祖諸此詳本譜。

新安族

自江夏始。遷新安歙。黃墩者曰孝子公尋。

黃屯族

自黃墩始。遷歛黃屯者曰忠一公章

潭渡族

自黃屯始。遷歛潭渡者曰。孝子公芮。此下剛去三十五族

浦陽族

自江夏始。遷浦陽者。曰按察公苾

豐城族自浦陽始遷豐城沅江者曰世貴公瑕

弋陽族

自浦陽始遷弋陽者。曰世瑞公璞世器公玠

監利族

自浦陽遷江陵監利者。曰世良公琰

浦城族

自浦陽始遷建寧浦城者。曰世美公琬

分寧族

自浦陽始遷分寧雙井者。曰世奇公玘

浦江族

自分寧遷回浦陽者。曰都統公昉承奉公向

長塘族

自浦江東市始遷浦江合溪長塘者。曰承務公偉
花橋族

自浦江東市始遷浦江三都花橋者。曰公顯公者

此下有祠門塘上塘下三族

剡雙井族

自浦陽始遷剡雙井者。曰世重公琰

東隅族

自剡雙井始遷東隅司前者。曰教授公顯

杜墓族

自剡雙井杜墓頭者曰百勝

盡嶺族

自剡雙井始遷諸暨盡嶺者曰樽

源潭族

自畫嶺始遷源潭者曰文望公偉

姚江族

自剡雙井始遷姚江四明者曰信

新昌族

自嵊雙井始遷新昌者曰承之公範

孝義族

自剡雙井始遷諸暨孝義者曰承遠公惠

花亭楓樹族

自孝義始遷花亭楓樹者曰通理公穆

石碕族

自花亭始遷石碕者曰元輔公康辰

穀來族

自花亭始遷嵎縣穀來者曰元祐公康國

石碕族

自孝義始遷石碕者曰懷德公玖

軒亭族

自孝義始遷山陰軒亭者曰叔舉公昂

陳村族

自孝義始遷會稽陳村者曰海門公叔昌

呂畧族

自孝義始遷嵎縣呂畧者曰世顯公

橫山族

自孝義始遷橫山者曰全州公杞

花園族

自孝義始遷花園者曰梗

埭上族

自孝義始遷蕭山埭上者曰提舉公楓

盛厚族

自孝義始遷盛厚者曰涯

西門族

自孝義始遷上虞西門者曰不愚公希班

陳村族

自孝義始遷會稽陳村者曰津曰源曰淵

花亭廊下族

自孝義始遷花亭廊下者曰涇

天津族

自孝義始遷北京天津者曰顯祖

東浦北岸族

自孝義至穀來始遷會稽東浦中村前淩者曰子直

公闌

東浦南岸族

自孝義至穀來始遷會稽東浦中村後漢者曰克敬
公開

西莊族

自孝義始遷山陰西莊者曰克寬公閭

孟葑族

自孝義至穀來而東浦始遷會稽孟葑者曰若虛公
闡

城西族

自孟葑始遷山陰城西者曰居易公叔強

前梅族

自孟葑始遷山陰前梅者曰東浦公彥周

張墅族

自前梅教授公叔璲贅瓜田子懷贅袁川懷之後始

遷張野者曰文學公思仁

江墅族自前梅始遷江墅者曰操存公謚

以上淵源參城西刻譜

黃氏

浙江餘姚四明黃氏譜

序

自帝繫詳周官之小史班書列世本於藝文。譜牒之興權輿於此。逮夫魏晉。崇尚衣冠。亦越齊梁競誇閥閱。風流宰相江東推王謝之宗。世祿公卿河朔著崔盧之族。卒之繁華泡影。變故滄桑。第宅崇閼。隨六代江山而易姓。搢紳淪落。感隻身榮瘁之有時。尋梓澤之園。已非石氏訪芍陂之野。幾識裴家究誰興百代之歌。亦僅極一時之盛而已。若黃氏者。本陸終之後人。實顓頊之苗裔。姓仍其國。故城之遺址尚存。氏受厥初累葉之宗祊。永守與淮陽而別派。繇江夏以繁支昌。自西京大於東漢尚書令。文章經術盛稱天下無雙。邠鄉侯直諫敢言。允是漢廷第一開基忠孝。上追鼻祖。有人垂統。綿延下逮耳孫。似我傳之三五朝。奉公筮仕越州。既受名山而入剡。懷樂土遂遷姚邑而居梁赤水丹山。地靈人傑。詩書禮樂。源遠流長。恍同諸阮之居。道分南北卻比五朝之世眷列東西。蓋

今洞門西房者。四明派四支之所分也。世傳明德代挺聞人。養親非必雞豚。母憂以解問富惟蕃牛馬家起於勤廬。陵攝篆以還。剩有甘棠遺愛。波井湧泉而後長留桑梓清陰。士食舊而農服先。百年鼎鼎。祖詒孫而父翼子。一線繩繩。允宜動靈運祖德懷。效士衡清芬之誦。本根是庇枝葉相維如順和。先生之興修。是譜其始本孝友之心篤。彝倫之道哉。嗟乎。張星柳宿。陡附天文。孤竹空桑。動緣古代。號郭慣承其誤。盧雷孰辨其非。劉章託醉興歌。戒深呂雉。沈約為文。彈劾慝糾滿鸞。在祖宗何取乎。非種害苗在子姓適等諸移花接木。不亦玷污家族。恥辱門楣耶。而茲則參以舊牒彙為新書。確鑿淵源。貫通血脈。不妄攀而失實。無虛假以亂真。首列像圖先哲之儀容。若接末編原序。後人之考證。有由闕其所疑。無傷脫略。錄其所信。不厭求詳。此史氏之準繩。亦譜家之體例也。用能遠紹前修。近開來者。聚族於洞天九府。視雙井而尤良傳家。以門地千年與姚川而無極時。中華民國十九年夏月虞東錢景錡謹撰。

始祖香公像



勒贊

漢尚書文彊公諱香

江夏始祖

卿之質超群絕倫。卿之行孝本天成。虞周並倫。參閔齊名。從容乎禮法之內。沉潛乎仁義之精。嗚呼休哉。

始祖香公傳

漢尚書令。文彊公諱香。黃香字文彊。江夏安陸人也。年九歲失母。思慕憔悴。殆不免喪。後召詣安福殿。言政事拜尚書郎。帝亦惜香幹用。久習舊事。復留為尚書令。增秩二千石。賜錢三十萬。是後遂管樞機。甚見親重。而香亦祇勤物務。憂公如家。

裳公像



宋進士禮部尚書冕仲公諱裳江夏三十三世

贊曰

明堂之鳥一言八。瑚璉之器。人中之翹楚。百世之奇才。猗歟偉哉。

賜進士及第甯海軍節度使文天祥題

裳公傳

宋進士禮部尚書。冕仲公諱裳。公未第時常有魁天下志。宋元豐中南劍州。譙門一柱忽為雷擊。作詩云。風雷昨夜破枯株。借問天公有意無。莫是臥龍蹤跡困。放開頭角入雲衢。次年果魁天下。

小五公像



宋進士第吏部侍郎小五公諱巨川

四明五世

贊曰

生而為英。沒而為靈。丹山赤水。惟德是馨。魏魏乎廟堂之器。奕奕乎子孫之型。忠信立綱常之本。正大存天地之經。偉哉。

甯海軍節度使文天祥題

宋吏部侍郎小五公傳

公名小五諱巨川望成子也。中宋元豐五年鄉舉。遂登進士。初任應天府通判。累遷御營使。尋擢吏部侍郎。值秦檜用事。岳少保死。乃嘆曰。天下事不可為。吾知天意矣。遂作招隱篇以遺。從弟巨澄曰。中州陸沈兮。天狡猾夏國事日非兮。忠不勝邪。望美人兮。天之涯。子二：瓊。琛卒葬四明西山。今名黃侍郎山。舊有黃侍郎祠。今汪巷石井廟神云。其遺像舊題曰西明砥柱。

德七公像



宋賜進士恭王郡馬朝列大夫拱襲公諱袞四明十二世

贊曰

識時俊彥。命世英才。名題雁塔。
學富麟臺。榮則儀賓。特選心如。
洞門重開。炳炳蔚蔚。猗歟休哉。

甯海軍節度使文天祥題

黃香

宋恭王郡馬德七公諱袞傳

宋恭王郡馬。吾祖十二世德七公也。其立朝大概卓卓人世者。昭如日星。其家於四明也。自後唐宗遠。公始而洞天第九。毓秀鍾靈。惟公是建。公去世已久。其墓碑遺石銘誌。昭昭越數世良璧。公為修墓誌公像。世守勿替。觀公狀貌。知公生平乃名梓人圖。公于譜庶千百萬世之後無忘公。

常五公像



元江西建昌府經歷可序公諱殷道

四明十四世

贊曰

必存愛國。志初惠民。疏財效職。
處義蹈仁。廉靜寡慾。勒石常新。
不逢兩朝之易。當大展其經綸。

龍山王華題

常五公傳

常五公者。五十四世祖也。積粟上官。為建昌府經歷官甚卑。職甚恭。粵大明歸老于家。委蛇恬養。未嘗一日就詢北來事。公雅好節義。又甚雍容有度。年八十有六壽終。

像 公 四 習



明登仕郎習四公諱景芳

四明十六世

贊曰

幼而失怙。獨仗母慈。母傷孤苦。涕泣常垂。
偕兄跪請。以釋母悲。孝哉此子。宗族稱之。
聲驚簪鼓。避作人兒。晚歸本籍。韻協墳簞。
白頭昆弟。一室怡怡。用昌厥後。大啟門楣。

習四公像

十六世叔祖。習四公。

洞門西房之祖也。諱景

芳。行習四。生於洪武廿

五年壬申。公祖行常五。

仕元為經歷父行恩四。當

明革命。隱居不仕。皆吾

東西兩房之統祖。公妣吳

太孺人。生吾祖習二公。

及公庶妣生習三。公歲乙

亥恩四公去世。公與習三

公各四歲。習二公亦九齡

焉。後吳太孺人痛子孤

幼。日夜悲泣。習二公偕

弟跪而請曰。若得成人。

兄弟誓不分居。吳太孺人

悲為之稍解。習三公甫婚

而卒。公與兄奉侍吳太孺

人。鄰里咸稱其孝。享年

七十二歲。原配龔孺人。

繼配同孺人。生一女一

子。子行。道光二十一年

歲次辛丑三月下澣廿七世

姪孫肇震伯器氏拜稿。

謙五公像



明授縣丞孔宏公諱如海

四明十七世

贊曰

山川靈秀。實誕奇英。有文有質。亦醒亦清。
起家勤儉。處世真誠。富侔猗頓。善樂東平。
教成五子。擅譽蜚聲。燕山之寶。今古齊名。

謙五公傳

謙五公諱如海字孔宏。號巨川。習四公其父也。公性情曠達。局度寬和。素有文譽。因起家艱辛。絕意進取。經營生產。以勤儉自勵。後家益滋饒遂成巨富。平居未嘗疾言遽色。教子弟以謹厚誠樸。處事善排難解紛。又輕財好施。不屑屑計較錙銖。宗族鄉黨咸稱羨之。初舉為義官。復授縣丞。任所都邑。當時失傳至今。世遠年湮。更無從查考矣。配周孺人。後非若敦。道光二十一年歲次辛丑三月下澣。廿七世姪孫肇震伯器氏拜稿。

堂六公像



贊曰

世祿之家。鮮克有禮。公則不然。儻乎遠矣。
履厚席豐。欽然自視。儒雅風流。通經博史。
寒暑幾更。學優則仕。展布長才。太平可俟。
惜置閒曹。莫盡其技。譬彼士元。屈於百里。
縱不匡時。要無失己。亮節清風。聞者興起。

黃香

堂六公傳

堂六公生平酷好書。博覽古今有用之典籍。昕夕研求。不辭瘁讀書讀律一以貫之。使得發展才猷為當道用。利國利民。黼黻昇平易也。惜用違其材。僅僅供職主簿。置之閒曹。斯亦極公之不遇矣。然公之所以砥名礪行。昭茲來許者。其本原當別有在。未可以區區概公也。晚年息影出園。淡於進取。課兒餘閒。日與乃弟輩譯政事。論文學。聯床風雨。團聚一堂。真天倫樂事哉。娶孫主簿女。出自名門。綜治家政。井然秩然。子四。蔚起象賢。為宗族光。閭里榮之。

堂八公像



由臬掾仕省祭浣溪公諱鑾

四明十八世

贊曰

天生異質。倜儻非常。究心實學。經史大綱。
並通政治。責負興亡。言論意氣。慷慨激昂。
一官小試。馭短才長。肥家孝友。棣萼聯芳。
富而好施。澤及梓桑。公雖往矣。歷久彌光。

十八世堂八公傳

公諱鑾字文瑞。號浣溪。行堂八。生而奇碩。甫弱冠。即以聰明才辯冠其曹。淺見者謂富家年少。何意得此。抑思有。巨川公為之父。文祥公為之兄。家庭教育。耳濡目染。公竊念不得志於國。必效力於家。孝友和粹。凡得喪窮通均弗滓其神思。鄉閭訟爭。嘗居間以解兩造之紛。至於橋梁土木以及恤孤振嫠諸大端。尤樂為之。富而好施宜。里人之訟。公弗衰也。娶姚氏。續配朱氏。淑慎無間。子四。泮源溥澄。能世其家。澄自有傳。

堂九公像



榮封官帶兩溪公諱珣 四明十八世

贊曰

砥行植躬。如圭如璧。境席豐亨。風承清白。
雅好推恩。以扶困厄。更解糾紛。引為己責。
非譽之要。而仁是積。梓里紛鄉。猶懷餘澤。

十八世堂九公傳

公諱珣行堂九。謙五公三子。習四公之孫也。歲丙申宗長尚炳。邀集各房纂修家乘。檢閱及此。不禁深惜者久之。爰囑震作傳然。震生也晚。目不睹公之懿行耳。不聞公之嘉言。又苦於譾陋不能文。將何所據而傳公耶。乃攷諸父老。猶能述公行事。與震約略言之。以為公也。遇善不欺。見惡必斥。持已敬而無失。與人恭而有禮。德性有本於天賦者。至勇於赴公樂。於行善周鄰里。鄉黨之困乏。廣姻親交友之恩施。敬老慈幼。排難解紛。雖經數百年猶令人稱道弗衰。時光緒三十三年歲次丙申興龍節日穀旦。三十世孫笏卿氏震頓首拜撰。